

樞

垣

記

略

樞垣記略卷之十二

恩敘七

同治五年十月二十一日本處奏軍機處行走滿漢章京  
查同治二年保奏之後已逾三年臣等留心察看擇其資  
格較深辦事勤奮者數員公同酌擬理藩院員外郎崇繕  
奎綬均請作爲候補郎中遇有本衙門滿洲蒙古題選咨  
留郎中缺出儘先奏補理藩院卽補主事續昌請俟補主  
事後作爲員外郎遇有本衙門滿洲蒙古題選咨留員外  
郎缺出儘先奏補禮部主事裕長請作爲候補員外郎遇

有本衙門題選咨留員外郎缺出儘先奏補吏部候補主事斬邦慶請遇有本部主事缺出無論題選咨留卽行奏補戶部主事李廷簫請俟補員外郎後遇有本部郎中缺出無論題選咨留卽行奏補吏部候補主事史崧秀前於江甯紅旗報捷案內保奏俟補缺後以員外郎無論題選咨留遇缺卽補此次擬請遇有本部主事缺出無論題選咨留卽行奏補俟補缺後仍歸原保以員外郎無論題選咨留遇缺卽補禮部員外郎徐景軾請遇有本部郎中缺出無論題選咨留卽行奏補謹奏奉

旨依議

又片奏繕辦漢檔告竣所有派出總校之內閣典籍江人  
鏡刑部主事徐用儀總司校對頗爲詳慎自應量予鼓勵  
懇

恩准令江人鏡作爲候補侍讀遇有缺出卽行奏補徐用  
儀俟題補員外郎後遇有本部郎中缺出不論題選咨留  
卽行奏補謹奏奉

旨江人鏡著作爲候補侍讀遇有缺出卽行奏補徐用儀  
著俟題補員外郎後遇有本部郎中缺出不論題選咨留

卽行奏補

六年正月二十三日

諭朕奉

慈安皇太后

慈禧皇太后懿旨恭親王首贊樞廷於今六年小心謹慎  
夙夜勤勞克盡匡襄深資輔翼著交宗人府從優議敘吏  
部尙書文祥戶部尙書寶鋆都察院左都御史汪元方同  
心贊畫勤慎和衷均著交部議敘

十二月初六日

諭本日引見御史之工部郎中朱智著卽註銷御史開缺  
以五品京堂候補

七年七月十一日

諭昨據李鴻章奏殲除捻逆直東一律肅清軍機大臣恭  
親王等贊理機務昕夕慎勤今幸大功告成自應量予獎  
敘恭親王文祥寶鋆沈桂芬均著賞加二級軍機章京等  
夙夜趨公承書諭旨亦屬著有微勞著恭親王等分別奏  
請獎勵候旨施恩

十七日本處奏此次辦理清字檔案臣等派軍機章京候

補侍讀內閣中書額圖琿候選道內閣侍讀文海總司校對尙屬詳慎自應量予獎勵額圖琿請

賞加四品銜文海曾由國史館保奏以道員不論雙單月遇缺前先選用請仍以道員不論雙單月歸捐班一缺後在任卽選謹奏奉

旨額圖琿著賞加四品銜文海著仍以道員不論雙單月歸捐班一缺後在任卽選

十八日

諭昨因擒逆蕩平紅旗報捷降旨令恭親王等將滿漢軍

機章京等分別保獎茲據開單具奏該軍機章京等行走  
有年繕寫諭旨昕夕從公均屬著有微勞自應量予恩施  
以示鼓勵專用道員戶部緝疋庫郎中增壽著俟簡放道  
員後遇有鹽運使缺出提奏藍翎戶部銀庫員外郎瑞廉  
著賞換花翎戶部顏料庫員外郎英廉著賞戴花翎內閣  
侍讀慶裕著以道員不論雙單月歸升班後在任卽選工  
部郎中岷玉著賞加鹽運使銜內閣候補侍讀額圖璋著  
俟補缺後以知府不論雙單月歸選班先在任卽選藍翎  
內閣侍讀文海著賞換花翎理藩院員外郎續昌著賞戴

藍翎工部員外郎額哲克著賞戴藍翎內閣貼寫中書本  
貴著以實缺中書不計旗分遇缺卽行奏補禮部郎中三  
德著賞戴藍翎吏部筆帖式春岫著俟題升主事後遇有  
本部員外郎缺出無論題選咨留儘先卽補內閣候補中  
書尙德著以實缺中書不計旗分遇缺卽行奏補理藩院  
主事玉春著遇有本院員外郎缺出無論題選咨留卽行  
補用員外郎志文著賞加知府銜內閣蒙古中書豐紳泰  
著賞加五品銜刑部額外主事增林著賞加員外郎銜理  
藩院郎中崇繕著賞加四品銜鹽運使銜理藩院郎中奎

綏著賞換按察使銜員外郎英貴著賞加四品銜禮部員  
外郎裕長著賞加道銜太常寺卿鄭錫瀛著賞加二品頂  
戴內閣侍讀學士朱學勤著以三品京堂開列在前鴻臚  
寺少卿朱智著以四品京堂開列在前藍翎工部郎中蔣  
繼洙著賞換花翎內閣典籍候補侍讀江人鏡刑部員外  
郎周瑞清均著賞戴花翎刑部員外郎夏獻雲著俟補郎  
中後以道員分發省分歸候補班前補用吏部主事靳邦  
慶著遇有本部員外郎缺出無論題選咨留卽行奏補工  
部員外郎杜來錫著俟補郎中後作爲厯俸期滿戶部員

外郎李廷簫著賞加道銜截取知府戶部郎中馮柏年著俟補知府後以道員在任儘先卽補刑部員外郎徐用儀著賞戴花翎吏部主事史崧秀著俟補員外郎後以本部郎中無論題選咨留遇缺卽補禮部郎中徐景軾著俟補截取知府得缺後以道員在任候補截取知府戶部郎中方熊祥著俟補知府後以道員在任候補戶部主事葉衍蘭著賞加三品銜兵部候補員外郎蕭庭滋著作爲本部候補郎中儘先卽補候補主事吳國杰著遇有本部主事缺出無論題選咨留卽行奏補候補員外郎金曰修著以本

部員外郎無論題選咨留卽行奏補記名御史禮部員外郎梁僧寶著俟補御史後仍遇有應升缺出保送帶領開列在前前刑部員外郎裴季芳著俟服闋後免選員外郎以知府分發省分歸候補班補用前刑部員外郎沈淮著賞加四品銜

二十二日本處奏軍機章京內閣典籍江人鏡經臣等保奏奉

旨作爲候補侍讀遇有缺出卽行奏補茲查有內閣侍讀方濬師升任廣東雷瓊遺缺道所遺一缺據內閣行查吏

部轉據咨覆應由臣等援案奏補相應請

旨將江人鏡補授內閣侍讀謹奏奉

旨依議

十月初八日

諭軍機大臣吏部左侍郎沈桂芬著加恩在紫禁城內騎  
馬

十九日

諭軍機大臣署禮部左侍郎李鴻藻著加恩在紫禁城內

騎馬

八年十月十九日

諭軍機大臣吏部尙書文祥病逾匝月尙未就痊實深塵  
系著派御醫王繼武前往診視並賞給人藥八兩以資調  
理

十一月二十四日本處奏軍機處行走滿漢章京查同治  
五年保奏之後已逾三年臣等留心察看擇其資格較深  
辦事勤奮者數員公同酌擬內閣中書本貴尙德均請作  
爲候補侍讀遇有侍讀缺出儘先奏補禮部郎中三德請  
加道銜理藩院員外郎玉春請遇有本衙門郎中缺出無

論滿洲蒙古題選咨留儘先卽補戶部主事葉衍蘭請遇  
有本部員外郎缺出無論題選咨留卽行奏補兵部候補  
郎中蕭庭滋請以郎中無論題選咨留卽行奏補兵部候  
補主事吳國杰請俟補主事後以本部員外郎無論題選  
咨留卽行奏補兵部候補員外郎金曰修請俟補郎中後  
作爲厯俸期滿謹奏奉

旨依議

又片奏繕辦漢檔告竣所有派出總校之禮部郎中梁僧  
寶禮部候補主事胡延夔總司校對頗爲詳慎自應量予

鼓勵懇

恩准令梁僧寶加四品銜胡延夔俟補缺後以本部員外郎不論題選咨留卽行奏補謹奏奉

旨梁僧寶著賞加四品銜胡延夔著俟補缺後以本部員外郎不論題選咨留卽行奏補

十二月初五日

諭吏部尙書文祥之母秉性淑慎克享遐齡教子有方俾成良弼今以疾終深堪軫惻朝廷優禮大臣推恩賢母著賜祭一壇賞銀二千兩經理喪事由廣儲司給發靈柩回

旗時沿途地方官妥爲照料以示優眷

九年正月二十三日

諭朕奉

慈安皇太后

慈禧皇太后懿旨恭親王首贊樞廷於今九年夙夜靖共  
於一切行政用人虛心匡彌鉅細靡遺深資夾輔著交宗  
人府從優議敘吏部尙書文祥戶部尙書寶鋆都察院左  
都御史沈桂芬戶部右侍郎李鴻藻同心翊贊克慎克勤  
均著交部議敘

七月初五日

諭本日引見御史之刑部員外郎周瑞清著卽註銷御史開缺以五品京堂候補

十年三月十七日

諭本日引見之截取刑部郎中徐用儀著開缺以五品京堂候補

十月二十二日

諭吏部左侍郎胡家玉著加恩在紫禁城內騎馬  
十一年八月二十七日本處奏前因粵匪捻匪先後蕩平

同治七年十一月恭奉

諭旨命臣等纂輯方略當經酌擬章程具奏並聲明該總纂等如勤奮編輯擬照成案分次請獎供事蹟錄等一併給獎在案竊查粵匪自道光三十年起事至同治四年剿平捻匪自咸豐元年起事至同治七年剿平辦理軍務前後十有九年凡各路軍營及內外臣工章奏頭緒紛繁我文宗顯皇帝神謨廣運

指示機宜

聖訓煌煌昭如日月迨我

皇上御極後仰承

兩宮

皇太后懿訓燭照無遺

綸綺昭垂同符

前烈臣等敬謹編纂綜計剿平粵匪方略四百二十卷剿平捻匪方略三百二十卷陸續進呈蒙

發交南書房翰林校閱均無錯誤全書兩編茲已一律告成計自同治八年二月開館起迄今僅止三年有餘卽已告成除進呈本外又繕陳設本一分校對亦已過半所有

在館人員實皆奮勉出力除臣等不敢仰邀議敘外其總纂及提調收掌纂修校對譯漢官供事人等臣等公同酌擬獎敘分繕清單恭呈

御覽伏候

欽定至謄錄人等及其餘供事擬俟陳設本全行完竣後由臣等覈其在館功課及平日差使分別等第造冊註明各部獎敘其應如何過班銓選之處統歸吏部覈辦此次卷帙較多辦理迅速該謄錄供事等格外出力內有量加從優給予分發之員懇請

飭部毋庸覈減以昭激勸再此次所保不論題選咨留補用各員係查照軍機處繕修冊檔成案辦理合併聲明謹奏

是日奉

諭恭親王等奏纂輯剿平粵匪方略四百二十卷剿平捻匪方略三百二十卷告成奉表恭進一摺剿捕粵匪始於道光三十年至同治三年克復江甯省城嗣後搜捕餘孽又歷年餘剿捕捻匪始於咸豐元年至同治七年在直隸地方併力殲除計辦理軍務前後十有九年各路軍營及

內外臣工章奏紛繁我

文宗顯皇帝神謨廣運

指示機宜

聖訓昭垂軍民感服迨朕御極後稟承

慈安皇太后

慈禧皇太后懿訓燭照無遺同符

先烈戡定大難用底敉平一切機宜運畫允宜垂示將來  
恭親王等奉命纂辦數年來率同在館人員陸續繕輯呈  
進隨時披覽卷帙繁多尙爲詳悉賅備所有大小出力各

員自應普加優獎恭親王等摺內雖自稱不敢仰邀議敘  
仍應特沛恩施恭親王著賞加三級並奉

慈禧皇太后頒發御書訏謨辰告扁額一方賞給恭親王  
以示優異文祥寶鋆沈桂芬李鴻藻均著賞加二級該提  
調等在軍機處行走有年平日辦事俱屬勤慎此次在館  
或總司纂輯或分司檢校均能奮勉出力迅速告成著照  
所請給予獎勵候補宗人府府丞朱學勤著賞給二品頂  
戴太僕寺卿朱智著賞給二品頂戴並加隨帶二級內閣  
侍讀學士許庚身著以三品京堂候補並加隨帶二級郎

中崇繕著以道員用並俟補道員後賞加布政使銜隨帶  
加三級候選道郎中奎綬著賞隨帶加三級並俟選道員  
後賞加布政使銜員外郎續昌著以道員不論雙單月在  
任卽選先換項戴郎中春岫著以道員不論雙單月在任  
遇缺卽選先換項戴中書尙德著俟補侍讀後以知府不  
論雙單月在任遇缺卽選先換項戴員外郎志文著以知  
府不論雙單月在任遇缺卽選並賞加道銜鴻臚寺少卿  
周瑞清著以四品京堂候補並俟補缺後賞加三品銜候  
補五品京堂徐用儀著俟補缺後以四品京堂候補並加

隨帶二級卽選道文海著以四五品京堂用郎中崑玉著  
俟補道員後賞加布政使銜並隨帶加二級內閣侍讀額  
圖璋著俟選知府後以本省道員儘先升用並賞加鹽運  
使銜員外郎英謙著以知府不論雙單月在任遇缺卽選  
並賞換道銜靳邦慶著遇有本部郎中缺出無論題選咨  
留卽行奏補並俟補郎中後賞加道銜李廷簫著俟截取  
知府得缺後賞加鹽運使銜以道員在任歸候補班前補  
用郎中史崧秀著俟截取知府得缺後以道員在任歸候  
補班前補用先換項戴員外郎葉衍蘭著賞給隨帶加三

級主事胡廷夔著免補主事作爲候補員外郎仍照原保  
班次奏補陸奭棠著免其試俸以本部員外郎無論題選  
咨留遇缺卽補張岳年著以主事無論題選咨留遇缺卽  
補並賞加五品銜內閣典籍李耀奎著作爲候補侍讀遇  
有缺出卽行奏補先換項戴員外郎李方豫著遇有本部  
員外郎缺出無論題選咨留卽行奏補主事丁鶴年著遇  
有本部主事缺出無論題選咨留卽行奏補沈源深著以  
員外郎無論題選咨留卽行奏補魏邦翰陳毓秀均著遇  
有本部主事缺出無論題選咨留卽行奏補中書邵文煦

著以主事籤掣缺分較多之戶刑兩部無論題選咨留遇  
缺卽補主事馮光勛著遇有本部主事缺出無論題選咨  
留卽行奏補郎中李固恆著俟截取知府得缺後在任以  
道員候補其離館之道員增壽著賞隨帶加二級知府慶  
裕著以道員在任歸候補班前補用道員英廉著賞加布  
政使銜御史三德著以道員不論雙單月在任候選知府  
江人鏡著以道員在任候補道員夏獻雲著賞隨帶加二  
級知府杜來錫著俟服闋得缺後以道員在任候補方熊  
祥著賞加鹽運使銜郎中蕭庭滋著免補本班以知府分

發省分歸候補班前先補用金曰修著賞加道銜御史梁僧寶著以應升之缺在任候補並俟得缺後遇缺題奏主事李士彬著俟服闋後無論題選咨留遇缺卽補御史沈淮著俟截取知府得缺後在任以道員歸候補班前補用餘依議

九月十九日

慈安皇太后

慈禧皇太后懿旨皇帝寅紹丕基於今十有一載親賢夾輔共濟時艱茲當大婚禮成自應特沛恩施用彰勞勸恭

親王輔政多年勳勞懋著前於咸豐十一年十月間命以  
親王世襲罔替因該親王再三懇辭允俟親政之年再行  
辦理現在皇帝大婚禮成親政伊邇著卽加恩以親王世  
襲罔替軍機大臣大學士文祥著在紫禁城內乘坐二人  
肩輿太子少保銜尙書寶鋆著賞加太子太保銜尙書沈  
桂芬李鴻藻均著賞加太子少保銜

十一月初四日本處奏軍機處行走滿漢章京查同治八年  
保奏之後已逾三年臣等留心察看擇其資格較深辦  
事勤奮者數員公同酌擬理藩院郎中玉春請加道銜理

藩院員外郎志文請作爲候補郎中遇有本衙門郎中缺出無論滿洲蒙古題選咨留儘先卽補理藩院主事豐紳泰請遇有本衙門員外郎缺出無論滿洲蒙古題選咨留儘先卽補刑部筆帖式桂斌請以本部主事無論題選咨留遇缺卽補刑部候補主事邵文煦請俟補主事後以本部員外郎無論題選咨留遇缺卽補內閣典籍候補侍讀李耀奎請俟補侍讀後以郎中遇缺卽選工部候補員外郎李方豫請俟補員外郎後免其試俸以本部郎中無論題選咨留遇缺卽補工部候補主事丁鶴年請俟補主事

後以本部員外郎無論題選咨留遇缺卽補謹奏奉  
旨依議

又片奏繕辦漢檔告竣所有派出總校之刑部主事陸奭  
棠刑部候補主事張岳年總司校對頗爲詳慎自應量予  
鼓勵懇

恩准令陸奭棠俟補員外郎後以本部郎中無論題選咨  
留遇缺卽補張岳年俟補缺後免其試俸以本部員外郎  
無論題選咨留遇缺卽補謹奏奉

旨陸奭棠著俟補員外郎後以本部郎中無論題選咨留

遇缺卽補張岳年著俟補缺後免其試俸以本部員外郎無論題選咨留遇缺卽補

十二年正月二十三日

諭朕奉

慈安端裕皇太后

慈禧端佑皇太后懿旨恭親王首贊樞廷厯久不懈盡心輔政鉅細靡遺懋著勳勞深資倚任著交宗人府從優議敘大學士文祥吏部尙書寶鋆兵部尙書沈桂芬工部尙書李鴻藻和衷贊畫矢慎矢勤均著交部議敘

十二月十一日本處奏此次辦理清字檔案臣等派軍機  
章京道府用候選道理藩院員外郎續昌道府用道銜刑  
部員外郎增林總司校對尙屬詳慎自應量予獎勵續昌  
擬請專以道員用增林擬請俟

簡放道府後

賞加鹽運使銜謹奏奉

旨續昌著專以道員用增林著俟簡放道府後賞加鹽運  
使銜

二十八日

諭明年恭逢

慈禧端佑康頤皇太后四旬大慶並朕親政後初屆元日  
令辰亦宜特沛恩施恭親王文祥寶鑒均著交該衙門從  
優議敘沈桂芬著賞給御書扁額一方

又

諭軍機大臣工部尙書李鴻藻之母姚氏年逾八旬精神  
強固加恩賞給御書扁額一方

十三年十一月二十八日本處奏軍機章京內閣典籍李  
耀奎前經臣等保奏作爲候補侍讀遇有缺出卽行奏補

茲查有內閣侍讀丁士彬升任安徽鳳陽府知府所遺一  
缺據內閣行查吏部轉據咨覆應由臣等援案奏補相應  
請

旨將李耀奎補授內閣侍讀謹奏奉

旨依議

光緒元年十一月二十三日本處奏軍機處行走滿漢章  
京查同治十一年保奏之後已逾三年臣等留心察看擇  
其資格較深辦事勤奮者數員公同酌擬內閣候補侍讀  
中書本貴尙德均請仍以侍讀遇缺卽補戶部員外郎額

勒精額請以本部郎中無論題選咨留遇缺卽補內閣貼寫中書如松請作爲候補主事掣分戶刑兩部以該部主事無論題選咨留遇缺卽補吏部主事魏邦翰請以員外郎無論題選咨留遇缺卽補戶部主事陳毓秀請以員外郎無論題選咨留遇缺卽補刑部主事馮光勛請以員外郎無論題選咨留遇缺卽補兵部郎中李固恆請免試俸憲俸謹奏奉

旨依議

又片奏繕辦漢檔告竣所有派出總核之刑部主事李士

彬吏部員外郎沈源深總司校對頗爲詳慎自應量予鼓勵懇

恩准令李士彬以員外郎無論題選咨留遇缺卽補沈源深以郎中無論題選咨留遇缺卽補謹奏奉

旨李士彬著以員外郎無論題選咨留遇缺卽補沈源深著以郎中無論題選咨留遇缺卽補

樞垣記略卷之十二

樞垣記略卷之十三

規制一

辦理軍機處設自雍正年間銀印藏 大內印鑰以領班之軍機大臣佩之有應用之官文書直日章京親到內奏事房向內監請印向軍機大臣請印鑰啟用用畢卽行送進凡請印鑰必以金牌爲質金牌以金爲之廣約五分厚約一分修約兩寸上鐫軍機處三字直日章京佩之封印後領班章京佩之若隨扈出京則於出京之前一日將印請出交領班之軍機大臣管帶

欽定四庫全書

卷之三

回鑾之日卽行送進

謹按雍正十年三月初三日大學士等遵

旨議奏辦理軍機處密行事件所需鈐封印信謹擬辦理  
軍機印信字樣移咨禮部鑄造貯辦理軍機處派員管  
理並行知各省及西北兩路軍營今辦理軍機處銀印  
乾隆初年所換鑄清漢篆其文曰辦理軍機事務印記  
兩旁鐫刻年月字號一曰乾隆十四年正月 日造九  
字一曰禮部造三字一曰乾字一百二十九號八字  
又按現遇隨扈出京之前將印請出交兵部領齎兵部

司員每日送至 行宮門外朝房請軍機大臣啟視並  
備鈐用

軍機大臣兼用滿漢大員無定額以大學士領班

謹按嘉慶四年正月

命成親王入直辦事是年十月間以與定制未符卽

命出直 又咸豐三年十月初七日

諭恭親王奕訢著在軍機大臣上行走 又十一年十月

初一日

諭恭親王奕訢著授爲議政王在軍機處行走 又同治

四年四月十四日

諭恭親王著仍在軍機大臣上行走 又嘉慶四年章京

吳熊光戴衢亨奉

特加三品銜在軍機大臣上學習行走 又十六年章京

盧蔭溥奉

特加四品銜在軍機大臣上學習行走 又謹按滿洲軍

機大臣奉

旨 在軍機處行走者是否准看漢摺之處厯由本處繕片

請

旨遵行均得

旨准其閱看 又乾隆二十五年三月初十日本處奏尙書兆惠前在侍郎任內在軍機處行走未經奉

旨閱看

硃批奏摺今同都統侯富德俱在軍機處行走其閱看硃批奏摺之處伏候

欽定奉

旨閱清字不閱漢字 又按自道光年間以後滿洲大臣一體閱看漢摺均未繕遞奏片 又咸豐八年五月二

十四日

諭匡源文祥在軍機行走次序著在杜翰之次嗣後凡學習者俱在班末俟實授時請旨

滿漢軍機章京各分爲兩班每班各八人其八人內各以一人領班 國語謂之達拉密由軍機大臣揀派資深望重者爲之凡挑補滿漢章京本處預期行片各衙門令各出具考語保送數員至多不得過八員由軍機大臣親加考校將入選者帶領引

見記名者遇缺以次奏署奏補

謹按嘉慶四年正月十六日

諭軍機處爲機密要地向來行走章京未定額數俱由軍  
機大臣挑補並不帶領引見因思各衙門各旗官員卽  
筆帖式驍騎校護軍校等微員無不由引見補授軍機  
章京職事較重豈有轉不帶領引見之理嗣後滿漢章  
京各定爲十六員由內閣六部理藩院堂官於司員中  
書筆帖式等官擇其人品端方年力富強字畫端楷者  
交軍機大臣帶領引見候朕簡用其記名人員遇有缺  
出按次陸續充補此次應挑之漢章京卽照新例辦理

又十一年正月二十日本處奏查滿軍機章京理藩院題署主事德甯額於嘉慶九年出三座喀稅差經臣等奏明以

記名挨次應補之內閣中書重倫接署該員行走以來差使尙屬勤勉現在德甯額回京供職可否將重倫留於額外行走俟有缺出卽行充補之處理合奏明請

旨奉

旨依議謹按自嘉慶四年以後每班章京不得過八人至是始有先因署缺卽留於額外行走候補之員 又二

十一年冬軍機大臣奏明行走之強逢泰不佔額缺於是每班八人之外復有額外章京一員 又咸豐三年二月初六日本處奏現在軍務較繁請添傳記名漢章京四人在額外行走奉

旨知道了 又七年十一月十二日本處奏前添傳漢章京四員均已充補實缺請添傳二員在額外行走奉

旨知道了 又十一年十月初八日本處奏漢章京自咸豐三年奏添額外行走四員嗣因直務繁簡不常有卽行傳補者有未卽行傳補者現在兩班行走共十八人

事務較繁請添傳二員在額外行走奉

旨知道了 又同治十一年十月二十二日本處奏現在  
軍務漸平諸事較簡漢章京擬停傳二員奉  
旨依議

滿洲章京以內閣中書六部理藩院郎中員外郎主事筆  
帖式兼充漢章京以內閣中書六部郎中員外郎主事七  
品小京官由進士舉人出身者兼充

謹按乾隆年間滿洲大員如侍郎保成松筠內閣學士  
博清額索琳福德等漢大員如順天府尹蔣炳副都御

史胡寶瑔傳顯劉秉恬孫永清大理寺卿王昶光祿寺  
卿申甫太僕寺卿程囂候補三品京堂袁守侗等皆令  
在軍機章京上行走至嘉慶年間始定此例 又嘉慶  
四年二月十一日本處奏原在軍機章京上行走之科  
道各員應仍遵

旨留軍機處外此後軍機處行走人員遇有補放御史者  
卽回本衙門任事不必在軍機處行走 又五年七月  
二十六日

諭嗣後軍機章京有陞任至通政司副使大理寺少卿者

卽著軍機大臣奏明不必在軍機章京上行走。又十年十月二十四日本處議奏御史吳邦慶摺內所稱漢章京應分別出身一節查軍機章京向例由內閣中書挑取者居多其由六部司員挑取者不及十之一二自嘉慶四年奉

旨於內閣中書及六部司員內保送以來多係進士舉人出身者間有一二員由拔貢生出身亦係朝考錄用之六部小京官若榜副貢生卽無由考試錄用部員之階是以歷來挑取章京並無由此項出身者至捐納人

員惟進士舉人捐納內閣中書向來均經挑入軍機行走其由捐納貢監出身者本不挑補應毋庸議又據稱內自三品京堂以上外自藩臬以上各大員與軍機處俱有交涉事件若令其子弟挑補章京行走恐不無私通信息洩漏機密等弊請照現任三品京堂或督撫子弟不准考選御史之例嗣後軍機章京一體迴避等語查軍機處設立滿漢章京恭繕

諭旨登載冊檔均關緊要自應慎選人才嚴防作弊前經欽奉

諭旨交軍機大臣帶領引見並奉

特旨派科道官逐日進內稽查立法已爲周密該章京等  
如能謹飭自矢奉公守法自不致有洩漏通信情弊倘  
行走或有不謹臣等必當隨時查察據實嚴叅況該章  
京等不過職司繕寫臣等而承

諭旨遇有實關緊要之事本不輕向章京等宣露至於該  
章京等父兄果有關涉事件尤當留心慎密儘可不令  
聞知伊等亦何從洩漏若因此設法防維則各大員不  
獨子弟應行迴避凡其族誼親姪年家故舊苟不知謹

慎安保無傳遞信息之事且軍機處承辦京外直省事  
件繁多大小各員均不免有所交涉又豈獨三品以上  
大員子弟始慮其洩漏是該御史所奏杜漸防微之道  
全不在此惟機廷清切之地父兄旣身躋通顯其子弟  
原不必廁身樞要似應酌量定以限制但如該御史所  
奏外官自藩臬以上猶未詳盡卽如鹽運使一官亦係  
三品外官司道並行體制相埒此外鹽政關差亦有外  
旗人員其子弟似亦應一體迴避應請嗣後滿漢現任  
京官文職三品以上武職二品以上及外官文職督撫

司道鹽政關差武職提鎮以上各大員子弟均不得保送挑補軍機章京其大員之親姪從弟及外姻親戚等不在此例至該員等有初補軍機時父兄尙未通顯迨行走諳習正資得力而其父兄淳擢至三品以上等官者應否令其回本衙門之處臣等隨時奏明請

旨定奪又查現在軍機處行走滿洲章京內有工部侍郎明興之子內閣中書重倫直隸布政使慶格之弟刑部主事吉祥雲南布政使阿禮布之弟吏部員外郎德克津布該三員挑補均在條奏之前當差亦尙勤慎臣等

此次議奏如蒙

允准應否卽令該三員循照新例回本衙門當差之處恭候

訓示遵行奉

旨依議重倫吉祥德克津布三員充補軍機在新例之前  
均著毋庸迴避 又十六年二月初七日

諭軍機爲樞密重地滿漢章京趨公執事先以謹慎爲本  
從前御史吳邦慶條奏大員子弟不准充補軍機章京  
經軍機大臣議覆自道員以上子弟皆令迴避其有行

走在先者並隨時請旨定奪茲據慶桂等奏新授南贛道查清阿之子誠端應否迴避朕思謹慎與否總視乎其人而防閑之道亦必當定以限制嗣後文職京官三品以上外任臬司以上武職京官副都統以上外官總兵以上其親子弟均不准在軍機章京上行走其走在先者亦毋庸隨時具奏卽令照例回本衙門當差誠端係道員之子無庸迴避 又二十五年十月二十七

日

諭從前軍機處滿漢章京皆軍機大臣於內閣等衙門傳

取嘉慶四年改由內閣六部理藩院保送引見嗣後將保送人員先令軍機大臣考試分別棄取帶領引見其記名者挨次傳補立法至爲允當惟大員子弟設有迴避之例殊可不必防弊之道初不在此如大臣子弟有挑入軍機處者藉以學習政事未嘗不可造就人材嗣後保送軍機章京著無庸迴避大員子弟其軍機章京有陞至通政司副使大理寺少卿及補授科道者卽回本衙門行走著仍照舊例行 又查自咸豐八年後歷次交片各衙門保送軍機章京均聲明大員子弟仍照

例不得保送又章京有升至通政使司通政使副使大  
理寺卿少卿者懋經奉

旨仍在軍機章京上行走 又咸豐十一年正月初六日  
諭滿漢軍機章京每班挑取各四員在總理各國事務衙  
門額外行走仍照常在軍機處值班毋庸常川到署  
又同治七年十月十七日本處奏現在

記名漢軍機章京將次用竣臣等照章行取內閣等衙門  
人員考試帶領引

見據工部保送之七品小京官丁鶴年係鑲黃旗漢軍人

查漢軍機章京自嘉慶四年奉

旨定有額數令各衙門保送後並無漢軍人員行走詳稽  
冊檔亦無漢軍不准充補明文臣等未便駁令不准與  
考閱看該員試卷文理尙優字畫亦屬端楷惟向無辦  
過似此成案可否一併帶領引

見之處伏候

聖裁奉

旨准其帶領引見

軍機處在 隆宗門內之北軍機大臣入直於此軍機章

京直房在 隆宗門內之南滿漢兩班分左右居之每日寅時軍機大臣及章京等以次入直辰刻軍機大臣始入見或不待辰刻而先

召見每日或一次或數次軍機章京皆隨入祇候於 南書房軍機大臣至

上前豫敷席於地

賜坐承

旨畢乃出授軍機章京書之述

旨畢內奏事太監傳

旨令散遂以次退直若在 圓明園每日入直於 左如意門內 御河之南爲軍機堂堂之右爲滿章京直房其前爲漢章京直房直務均與在 宮之日同

謹按軍機大臣出入均由 內右門至 南書房祗候召見乾隆年間軍機章京隨軍機大臣後亦出入 內右門嘉慶年間章京等始專出入 乾清門仍均在 南書房祗候

軍機處繕寫

諭旨之式凡

特降者曰內閣奉

上諭因所奏請而降者曰奉

旨其或因所奏請而卽以宣示中外者亦曰內閣奉  
上諭各載其所奉之年月日於前述

旨發下後卽交內閣傳鈔謂之明發其

諭令軍機大臣行不由內閣傳鈔者謂之寄信外間謂之  
廷寄其式行經略大將軍 欽差大臣將軍叅贊大臣  
都統副都統辦事領隊大臣總督巡撫學政曰軍機大臣  
字寄其行鹽政關差藩臬曰軍機大臣傳諭亦皆載所奉

之年月日徑由軍機處封交兵部捷報處遞往視事之緩急或馬上飛遞或四百里或五百里或六百里或六百里加緊皆於封函上註明其封函之式字寄者右書辦理軍機處封寄左書某處某官開拆傳諭者居中大書辦理軍機處封左邊下半書傳諭某處某官開拆皆於封口及年月日處鈐用辦理軍機處印

謹按乾隆年間寄信皆領班之軍機大臣出名乾隆三十六年二月

駕巡山東大學士尹繼善劉統勳協辦大學士尙書劉綸

俱未隨扈經本處奏請面奉

諭旨清字寄信著尙書福隆安出名漢字寄信著尙書于敏中出名 又嘉慶九年議准軍機處交兵部加封寄往各省書字其封而書寫何人姓氏者應交本人拆閱如本任官陞調他處並來京

陞見其護理及接任之員不得拆閱卽轉遞交本員祇領若尋常印封無本員姓氏交該衙門開拆者方准署任之員拆閱查辦 又按寄信行督辦軍務大員亦書軍機大臣字寄行各省提鎮亦書軍機大臣傳諭提鎮有

督辦軍務者亦書軍機大臣字寄至寄信中尤爲緊要  
之件奉

旨密諭者則書軍機大臣密寄

謹按咸豐十一年十月初一日本處奏每日摺報奉

旨批發謹擬寫議政王軍機大臣奉

旨字樣寄信

諭旨擬寫議政王軍機大臣字寄字樣其交片行文一律

辦理 又謹按兩次

垂簾訓政每日摺報奉

旨繕批呈

覽自咸豐十一年十月至同治四年三月則寫議政王軍  
機大臣奉

旨寄信則寫議政王軍機大臣字寄字樣以後均寫軍機  
大臣奉

旨軍機大臣字寄字樣

凡中外奏摺奉

硃批該部議奏該部知道者皆錄副發鈔其

硃批覽或

硃批知道了或

硃批准駁其事及

訓飭嘉勉之詞皆視其事係部院應辦者卽發鈔不涉部院者不發鈔凡未奉

硃批之摺卽以原摺發鈔凡

硃批原摺如在京衙門之摺卽存軍機處彙繳如各省俱於本日錄副後係專差齎奏者交內奏事封發由驛馳奏者卽由本處封交兵部遞往其內閣領鈔之摺於次日繳回同不發鈔之摺按日歸入月摺包備案

凡議大政讞大獄有

旨特交軍機大臣者卽由本處承辦其交軍機大臣會同各部院衙門者或由本處主稿或由所會衙門主稿臨時酌定凡應行刑訊之案或就內務府公所或就步軍統領衙門公所提訊其卑役刑具皆於刑部傳用如會同刑部者或刑部堂官前來會訊或就刑部會訊亦臨時酌定若有軍旅之事則考山川之險夷道里之遠近以備

顧問其邊裔絕域古書茫昧者則追尋新舊冊檔加以諮訪使皆可徵驗並就戶部兵部理藩院等衙門咨取兵馬

錢糧簡明確數備查有

旨垂詢則或繪圖或繕單卽時呈遞

謹按乾隆四十六年 月 日

旨秋審勾到事件軍機大臣辦理熟諳著同大學士一體

承旨 又乾隆九年 月 日本處奏據韓光基奏

稱軍機處密議之件無論議准議駁於議定後奉

旨欽遵行知該處或外省之後應仍知照該管衙門存案

等語查軍機處辦理事件不一奏定之後有應交部院

者有應行知外省者有祇應本處存案備查者至於密

辦密議之事或頒發

諭旨或存案備查斷不便概行發部韓光基所請知照該管衙門之處誠如

聖諭事屬難行應無庸議 又乾隆十一年三月二十四日奏向來軍機處事件俱係交內閣轉發除密議密奏外係何衙門承辦者卽傳該衙門承鈔今張允隨所奏  
卡瓦一摺奉

硃批議政王大臣速議具奏因係兵部主稿是以內閣傳  
鈔伏思議政處與各衙門不同嗣後凡遇交議政處事

件俱交內閣專交該衙門辦理不得發鈔謹奏奉

旨是 又乾隆二十三年十月十九日奏各部傳鈔事件往往多有遺漏卽續經查出或該督撫咨部詢問始行檢舉辦理雖將經手各官加以處分而公事究已稽遲臣等酌議嗣後應令軍機處承辦交發之滿漢官員將逐日所發

諭旨及摺奏事件每屆十日彙開一單交與內閣票簽處轉交各衙門逐一查對如有遺漏若係尋常事件即可作速補鈔若事屬緊要除一面補鈔趕辦外仍將遺漏

之員叅奏議處如此十日內並無遺漏卽於單內註明繳回在各部院既可得免遺漏卽軍機處或有未經交出事件亦可隨時查出於公事似有裨益

凡遇大典禮豫期有

旨令軍機大臣查考舊案者卽行查所司詳稽冊檔彙齊後摘敘簡明節略開單呈

覽或有

御製書事之文

紀事之詩有

旨特交軍機大臣等查明事之起訖者亦卽繕具節略清單恭呈

御覽

凡恭遇

除授內外大臣官員應進單者文職大學士以下至京堂武職 御前大臣以下至步軍前鋒護軍統領外任將軍總督巡撫布政使按察使缺出有

旨令開列應補應陞人員皆繕遞名單鹽運使缺出有  
旨進單卽交吏部查明俸深道員十人知府十人與軍機

處 記名京察一等人員一體繕單呈遞至文武大臣職任多者遇出缺應補出差應署者有

旨令查開管轄處所卽繕遞缺單

凡文職鹽運使及道員 記名以按察使用武職一等侍

衛翼長叅領協領長史總管城守尉 記名以副都統用

總兵 記名以提督用副將 記名以總兵用遇缺出皆

將 記名人員進單凡道若府缺出不由銓選保題者由  
本處請

旨其或選缺道府在部無應選之人由吏部請

旨又或題缺道府該省無可題之人由督撫請

旨皆由本處進單 京察一等 記名之給事中御史郎  
中員外郎內閣侍讀翰林院侍讀侍講修撰編修檢討詹  
事府洗馬中允贊善以滿洲蒙古人員爲一單漢員爲一  
單皆道府兼用內務府郎中員外郎爲一單以道府關差  
兼用其或遇引

見或因保舉

特旨記名者皆各爲一單知府以道用同知直隸州知州  
以知府用京員視奉

旨指明或以道用或以知府用或道府兼用其道府兼用者遇請

旨道府缺進單以道用者遇請

旨道缺進單以知府用者遇請

旨知府缺進單其漢給事中御史郎中俸滿截取 記名以繁缺用者除由部銓選外遇請

旨道缺給事中一體進單遇請

旨知府缺御史郎中一體進單又曾任請

旨缺道府及雖非任請

旨缺而曾列名請

旨單者遇有丁憂起復降革開復各員由吏部知照軍機處亦一體進單其因告病或終養開缺經病痊及養親事畢例應坐補原缺由吏部知照軍機處者遇該員坐補缺出亦一體進單至文職有知州知縣奉

旨記名者應用同知直隸州知州武職有叅將奉

旨記名者應用副將遇有同知直隸州知州

簡放知府遺缺及副將

簡放總兵遺缺亦將各該員進單

謹查道光九年冬以後鹽運使缺出 京察一等 記  
名以道府用人員不行進單

凡大比之年會試總裁順天鄉試主考會試後覆試 殿試 朝考散館及翰詹大考並各項考試閱卷官有旨令查開應點人員卽繕遞名單凡各省學政居子午卯酉年八月應行更換之期有

旨進單卽將各學政到任年月及曾否歲考註明開單並將由進士出身之侍郎京堂開單其曾否得過試差學差皆註明得差者並註明次數又奉天府府丞係兼奉天學

政並將進士出身對品應調之太常寺少卿鴻臚寺卿太僕寺少卿順天府府丞銜名另繕一單一併呈遞

謹查奉天府府丞兼奉天學政厯屆成案均將進士出身之通政使司副使大理寺少卿一體開列進單

凡鄉試會試及覆試考差恭遇

欽命試題豫期以上三居之題繕單進

御並以本處所藏四書一部一同呈遞其自乾隆元年以後出過會試及順天鄉試題者皆於四書內黏貼黃籤其

朝考散館大考翰詹亦由軍機處查閱上三次題目清

單豫期呈遞此外各項考試惟考御史廩生及各繙譯題由南書房承辦餘皆由本處於前一日提奏

謹查現在考試漢御史廩生及繙譯考試各題目均由本處提奏考試孝廉方正係由內閣擬題